


HISTOR



*Eus ar Malheur erruet gant un Den-Yaouanq,
pehini a voa cri eus e Dad hac e V am.*

VAR TON CANTIC AR BLASFÉMATOUR.



1.

SÉLAOUIT oll, Bretonet, m'o ped, côs ha yaouanq;
Hac e cléfot un exempl meurbet zo estonant,
Hac ouспен eo profitabl d'an oll nobl ha partabl,
Da derri ar goal habitud zo etoues peb seurt stat.

2.

Neus cazi den n'en deve pepini e banchant;
Qercouls goaset ha merc'het nombr bras assuramant;
Pini so'r pec'het horrubl hep ma sonjer' ve drouc,
Bep comz ma en o guinou, guelet e rêr partout,

En pep fèçon ve gante ar pec'het deguizet.
 Ra zeuìn evel eur maout pe vel demezelet,
 Mallos Done, blasfèmi, an diaoul d'o dèvi,
 Dra vin dall, pe drouc-speret, pe' zìn evel eur c'hi.

Qent ma zomp prest da ober un dra pe un affer,
 Comzou infam ha lubriq a leveromp bep guer,
 Hep sonjal en ur pec'het e formomp ur chaden,
 Ma ne guitaomp an habitud e zayomp d'an ifern.

Evit donet d'en terri, deuomp da gonsideri
 Ar pez a zo aruet a neve en Guintini,
 E qever un Den-Yaouanq a voa atao e coler :
 Ra zeuìn evel eur c'hi a lavare bep guer.

Un habitud gemeret voa qementse gantàn,
 Qement comz a brononce ne glèvet qen ountàn :
 Pe vat pe zrouc a raje, horrubl eo compreni,
 E lare : mar er gràn-me, me yel evel eur c'hi.

An den yaouanq-mâ savet demeus eur famill vat,
 Hac evel calz, hep respet nac evit mam na tad,
 Dre gomzou caër a dennas digante ho moyen,
 Ha goude' voent reduiset da c'houl an alusen.

O sonjal vije furoc'h pa vije etablisset,
 An daou baour-qès còs-màn o deveus bet cedet
 Qement aparchante oute d'o mab dirac noter,
 Goude e rencjont souffri an naon hac ar viser.

Vel ma voa laqet da vestr, e commanças timat
 Da c'hourdrousi ha da sqêi gant e vam hac e dad,
 Dont da alc'hoea ounte bete memes ar bara,
 O sonjal o laqaje gant naon da berissa.

Hep gallout, ar malheurus ! pelloc'h o zuporti,
 E renq an daou baour-qès còs monet ermes an ti,
 Lezel gantàn o moyen ; ô pebes nec'hamant !
 Ranqout clasq an alusen ha mont en un toul camp.

Evea m'en doa moyen ar c'hrouadur ingrat,
 E voe deàn proposet da zemezi timat ;
 Ur plac'h gentil a gavas, honest, fur ha prudent
 Dre aliou tud vechant aneàn voe contant.

Souden e voent demeet. Pa voe deut an termen
 Evit ober an eured, siouas, pebes anquen
 O devoe tud an eured, hac ar plac'h e briet,
 O velet ar malheürus e pe stad voe laqet.

Qent evit ma heureaujas ar plac'h a lavaras :
 Na zemezìn qet deoc'h ma na ve var ar plac
 Ho tad hac ive ho mam assambles gant va re ,
 Evit rëi demp o bennos da veva en graç Doue.

An den miserabl neuse a gavas digare :
 Va zad, va miam a zo còs, leun iut a baourente ;
 Hac ouspen int chomet clàn var o guele meus clêvet,
 N'en dê qet un domach bras pa vent o daou crevet.

Ar plac'h terrubl estonet, a respont promptamant :
 Birviqen chanç n'or bezo, comz a rit insolant.
 Dre'r bêvare gourc'hemen Doue en cus commandet
 Enori an tad, ar vam, ha douguen dê respet.

Chanchit propos, emezàn, m'o ped hac o supli,
 Mar deu ar re-se d'am eured me yel evel eur c'hi ;
 Ne fot qet dìn e lare o tud vent ampoesonet,
 Ma teufe'n daou lous còs-se d'aparissa em eured.

Evel pa vije'r miracl, Doue ractal a bermet
 E teu an daou baour qès còs d'aparissa er banqet ;
 Siouas, o mab libertin, borrupt ê compreni,
 Pa voa guir vella'r banqet e za evel eur c'hi.

Alies epad e vuez en nevoa goulnnet,
 Vel ma voa e habitud beza er stad-se laqet ;
 O veza leun e vusnr e voe diffiguret,
 Nemet e benn, e visach, e form ur c'hi barbet.

M'ho lèz da gonsideri pebes spont hac eston
 O devoe tud an heured, crena rê o c'halon
 O velet ur seurt torfet êruet en o fresanç :
 O pebes tristidiguez e lec'h rejouissanç !

Hep na debri naç eva e chomas er stat-se
 Er spaç eus a no debes, o sonjal nos ha de ;
 P'eo bet bolonte Doue eo êt en ur seurt stat,
 O veza cri ha dinatur eus e vam hac e dad.

Dre ma voa calz a famill a bedas evitàn
 Doue hac ar Verches Vari da rêi ar c'haaç dezàn ;
 Goestet voe d'eur plaç devot, varben an no devez
 E teuas d'e stat adare, dre voyen ar Verc'hes.

Cetu aze un exempl hac ouspen ur miracl,
 A so meurbet profitapl d'an oll, nobl ha partabl,
 Do derri ar goal habitud, da enori mam ha tad,
 Vit caout recompanç en ên digant hon Doue mad.



G U E R Z

VAR SUJET DAOU ZEN-YAOUANQ MASQET.

Var an ton ancien.

1.

SPERET - SANTEL , me ho suppli da réi sclèrijen
 d'am speret ,
 Evit disclèria un exempl a so pitoyabl meurbet ,
 Erruet gant daou zen yaouanq , a voa o daou o c'heva
 Ebars en un hostaliri da volarge diveza.

2.

Daou zen yaouanq a galite pere n'anvàn qet amàn ,
 A voa o daou o tebochi , siouas , et var ar bed-màn !
 Na pa voant da veza mezo , ma zint en em goncluet
 Da guemer ur vascâraden da vont en nos da redec.

3.

Possedet e voaint o daou , siouas , gant an drouc-speret.
 Ar c'henta croc'hen un eujen var e guein en deus laqet ,
 Hac eguile croc'hen ur gaor , na ma lerjont neuze ;
 Ni a so bremàn diàoulou da renta brezel da Zoue.

Mont a ra an daou zen yaouanq ebars en qêr da redet,
 Hac unan demeus aneze en deveus bet rancontret
 Eur bêleg pehini a zougue ar sacramant dereat bras,
 Evit cas da eur paour qèz coz pihini a voa fall bras.

Heuliet en deus ar sacramant bete ti ar paour qèz clàn,
 En toul an nor e zeo bet chomet, ma neveux lavaret deàn
 Me zo an diaoul, emeàn, a zo deut da dal da dy,
 Hac en instant ma vi maro da ene a yel ganén.

Ar paour qèz clàn en e voele en em laqa da voela,
 Ar bêleg ous e gonsoli en deveus lavaret dezâ :
 Tavit, va mignon, emeàn, tavit ha ne voelit qet,
 Unan eus ar vascaraden zo deut envoas d'o quelet.

Ar bêleg ous en em distrei ous an den milliguet-màn,
 Gant an hosti en e zaou zorn en deveus lavaret deàn :
 Lam da vasq divar da visach, sete amàn da Zoue,
 Ha gantàn te vo punisset qent ma vo varc'hoas an de.

Hac én en em distrei neuse gant eur zellou arrogant,
 Gant comzou vil ha disonest eus Jesus er sacramant :
 Me zo un diaoul, emeàn, un enemi bras da Zoue,
 Hac a rento dean brezel qercouls en nos hac en de.

P'en devoa laret e gomzou evel un den arrajet,
 Er meaz an ti neuse soudan var ar ru ê sortiet;
 Mes pa yas en avis crial e sant e voad o yena,
 Maro-mic ê, var ar pave, siouas, ê deut da goea.

Eguile gant croc'hen ur gaor dre ruyou qêr o redet,
 A rancontras e gamarad na var ar ru gourveet:
 Me zo re hardi, emean, va c'hamarad, da sponta;
 Na c'heus bremâ nemet sevel, ha ni yelo da eva.

Caer en devoa emân guervel e gamarad milliguet,
 E vasq a lam divar e visach o sonjal gouell e velet;
 Mes pa velas e voa maro, e galon a so rannet,
 Ma tôlas eno ar c'hroc'hen, hac eus ar yro ê sortiet.

F I N.